

ՍՈՒՐԵՆ ՍՊԱՆԴԱՐՅԱՆ

Մ. Պ. ԱՂԱՅԱՆ

Հայկ. ՍՍՌ ԳԱ քվրակից-անդամ

Բոլշևիկյան պարտիայի ականավոր գործիչ, մեծ Լենինի հավատարիմ զինակից Սուրեն Սպանդարյանը ծնվել է 1882 թ. դեկտեմբերի 15-ին, Քրիլիսիում: Դեռ մանուկ հասակից նա աչքի էր ընկնում իր հաստատակամությամբ և արտակարգ քնդունակությոններով:

Նա շատ էր կարդում: Հայ ականավոր գրող Նար-Էոսը, որը շատ մոտիկից գիտեր Սպանդարյանների ընտանիքը, գրել է, որ պատանի Սուրենը «գրքերը կլանում էր ուղղակի մի շնչում»¹: Սպանդարյանը հատկապես մեծ սեր էր տածում զեպի ուու ուույուցիոն դեմոկրատներ Բելինսկին, Գերցենը, Չերնիշևսկին, Դոբրոլյուբովը: Պուշկինը, Լերմոնտովը, Նեկրասովը նրա սիրած բանաստեղծներն էին, որոնց ստեղծագործություններից շատ կտորներ կարող էր անգիր արտասանել: Պատանի հասակից նա հետաքրքրվում էր գրականագիտության, արվեստի, բնագիտության հարցերով: Քաղաքական-հասարակական կյանքի խնդիրները խորապես հուզում էին սպատանի Սուրենի հետաքրքրասեր միտքը: XIX դ. վերջերին ծավալվող հայ ազատագրական շարժումները կլանում են նրա ուշադրությունը: Արյունարբու Աբղով Համիգի կողմից կազմակերպված 1894—96 թթ. հայկական կոտորածները պատանու սիրտը այնպես են ալեկոծում, որ նա մտադրվում է փախչել Արևմտյան Հայաստան և կովել թուրքական բռնակալության դեմ՝ հայ ժողովրդի ազատագրության համար:

XIX դարի վերջերին և XX դարի սկզբներին Ռուսաստանում հզոր ալիքով բարձրացավ բանվոր դասակարգի ուույուցիոն պայքարը հանուն բոլոր ճրնչվածների սոցիալական և ազգային ազատագրության: Այդպիսի պայմաններում մարքսիզմի անհաղթ ուսմունքը լայն տարածում է գտնում աշխատավոր մասսաների և առաջադեմ ինտելիգենցիայի մեջ: Վ. Ի. Լենինը, տալով այդ ժամանակաշրջանի բնութագիրը, նշել է. «Մարքսի ուսմունքը լիակատար հաղթանակ է տանում և տարածվում է»²:



¹ Նար-Էոս, Հայրենորդի, «Մարտակոչ», 1926, N 219:

² Վ. Ի. Լենին, Երկեր, հատ. 18, էջ 738:

Մարքսիստական գաղափարների ակտիվ պրոպագանդա չը մղվում նաև Անդրկովկասում: 1901—1902 թթ. ստեղծվեցին ՌՍԴԲՊ Բաքվի, Թիֆլիսի և Բաթումի կազմակերպությունները, որոնք սկզբից եկեղեցական գնեցին լենինյան «Խսկրա»-ի դիրքերում: «Խսկրա»-ի հետքերով էին գնում այդ տարիներին հրատարակվող «Բրձուլա» և «Պրոլետարիատ» անլեզու թերթերը: Հայն թափ էին ստանում անընդհատ աճող բանվորական գործադուլներն ու ցույցերը: Այդ բուռն տարիներին, 1900-ական թթ. սկզբին Թիֆլիսի գիմնազիայի սան Սուրեն Սպանդարյանը մասնակցում է մարքսիստական անլեզու կազմակերպությունների աշխատանքներին և դառնում ՌՍԴԲՊ Թիֆլիսի կազմակերպության ակտիվ գործիչ: Այդ ժամանակից սկսած երիտասարդ Սպանդարյանը գինվորազրվում է լենինի մեծ գաղափարների հաղթանակի համար մղվող պայքարին:

Գիմնազիան ավարտելուց հետո, 1902 թ. Սուրեն Սպանդարյանը իր ուսումը շարունակում է Մոսկվայի համալսարանի պատմա-բանասիրական ֆակուլտետում, 1903—1904 ուսումնական տարում փոխադրվում է իրավաբանական ֆակուլտետ: Ապրելով նյութական կարիքի մեջ, նա ամբողջովին նվիրվում է գիտությունների խոր ուսումնասիրմանն ու մարքսիստական գաղափարների տիրապետմանը:

1904 թ. դեկտեմբերի 5-ին Մոսկվայի ուսանող երիտասարդությունը «Կորչի՛ ինքնակալությունը», «Կորչի՛ պատերազմը» լոգոնգներով ելավ մեծ ցույցի, որի ակտիվ կազմակերպիչներից մեկը Սուրեն Սպանդարյանն էր: Բր հորն ուղղած նամակում, նկարագրելով այդ ցույցի խոշոր նշանակությունն ու ցարիզմի դործադրած դաժան հալածանքները, նա գրում է. «Զեմ թաքցնի, որ ես մասնակցեցի, բայց հաջողաբար անվնաս դուրս պրծա, թեպետ զխարկս մնառ պատերազմի դաշտում և ստացա մի քիչ ծեծ, թեպետ ճշմարտությունը պահպանելու համար պիտի ասեմ, որ ինքս էլ իմ կոմբալով լավ ջարդեցի պոլիցայի՝ զլուխները և մեջքերը»³:

Վրա հասան 1905 թ. հունվարի 9-ի փոթորկալի դեպքերը, երբ լենինի բնորոշումով «ռուսական բանվորական շարժումը մի քանի օրում բարձրագույն աստիճանի է հասել»⁴: Մոսկվայի համալսարանը, որպես ռեոլյուցիոն խմորումների վտանգավոր մի օջախ, փակվել էր: Նույն թվականի ապրիլին Սպանդարյանը մեկնում է Կիևում, որտեղ Մոսկվայի կոմիտեի մի շարք հանձնարարություններով: Հուլիս ամսին Սպանդարյանը նորից վերադառնում է Ռուսաստան և ակտիվ պարտիական աշխատանքի անցնում Թիֆլիսում, ՌՍԴԲՊ Կովկասյան Կոմիտեի անկան կոմիտեում:

Ինչպես ամբողջ Ռուսաստանի, այնպես էլ Անդրկովկասի բանվորական կենտրոնները ռեոլյուցիոն պայքարի մեծ վերելք էին ապրում: Բաքվում, Թիֆլիսում, Բաթումում, Ալավերդում, Ալեքսանդրապոլում և այլ վայրերում ռեոլյուցիոն պայքարը շտեմնաված թափով էր զարգանում: Այդ պայքարին, ակա-նաւոր լենինյաններ Ստ. Շահումյանի, Մ. Յիսակայայի, Ա. Ջափարիձեի, Ս. Խանոյանի և ուրիշների հետ միասին, եռանդուն և ղեկավար մասնակցություն է ցուցաբերում նաև Սուրեն Սպանդարյանը: Նրա այդ շրջանի գործունեության մասին հին բոլշևիկ Շ. էլիավան իր հուշերում գրում է. «Կարճ ժամանակ միասին կատարած եռանդուն և կուսակցական տաք աշխատանքի ըն-

3 Ս. Սպանդարյան, Հուլիսի ծեծներ, նամակներ, փաստաթղթեր, 1939, էջ 326:

4 Վ. Ի. Լենին, Երկեր, հատ. 8, էջ 114:

թացքում ես իմացա ընկ. Տիմոֆեյի իսկական անունը—Սուրեն Սպանդարյան... Որքան ավելի էինք միասին աշխատում, ես ավելի և ավելի էի համոզվում, որ մենք գործ ունենք մեր կուսակցության պատկանող ոչ թե սովորական մարդու, այլ արտաքո կարգի ընդունակություններով օժտված մի անձնավորության հետ»⁵։ Թշնամիների դեմ մղած պայքարում Տիմոֆեյը հանդես էր գալիս որպես կոփված և տեսական լուրջ պատրաստություն ունեցող պրոֆեսիոնալ ռևոլյուցիոն գործիչ։ «Մենշևիկների և զանազան դույների ազգայնական հոսանքների դեմ մղած պայքարի տարերքում ընկ. Սուրենը հայտնաբերում էր հայացքների հազվագյուտ կայունություն և տոկունություն»⁶։ Սպանդարյանի գործունեությունը չէր կարող վրիպել ոստիկանության աչքից։ Թիֆլիսի պահնորդական բաժանմունքը նրան հատուկ հսկողության տակ է առնում։ Նրա ամեն մի քայլն ու հանդիպումը գրանցվում են ոստիկանության դիրեկտորի հույժ կարևոր գործերի մատյանում⁷։

1905 թ. հոկտեմբերին, երբ ռևոլյուցիան իր զարգացման բուռն վերելքն էր ապրում, Սպանդարյանը մեկնում է Մոսկվա։ Այդ օրերին Մոսկվայի համալսարանում էր տեղավորված զինված ապստամբությունը ղեկավարող բոլշևիկյան շտաբը։ Համալսարանը վերածվել էր զինված ամրոցի և շրջապատվել բարիկադներով։ Լաբորատորիաներն ու դասասենյակները դարձել էին զինանոցներ, որտեղ զենքեր ու ռումբեր էին պատրաստում։ Մոսկվայի 1905 թ. դեկտեմբերյան զինված ապստամբության կարևոր միջնաբերդը դարձավ Կրասնայա Պրեսնյայի շրջանը, որտեղ պրոլետարիատի հերոս մարտիկների շարքերում զենքը ձեռքին կռվում էր նաև Սպանդարյանը։ Ինը օր տևող այդ ահեղ մարտերը վերջացան պրոլետարիատի պարտությամբ։ Ֆարիզմը շտենը ված դաժանությամբ ճնշեց ու արյան մեջ խեղդեց ազատության համար մարտնչող հերոսների պայքարը։ «Իր հեղափոխական-մարքսիստական հիմնական դասերն ու կոփվածքը ընկ Սուրենն ստացավ Մոսկվայում»,—գրել է Ա. Մռավյանը⁸։

Սուրեն Սպանդարյանը, որպես «անվստահելի», հեռացվեց համալսարանից։ Նա ստիպված եղավ 1906 թ. սկզբին թողնել Մոսկվան և իր ռևոլյուցիոն գործունեությունը շարունակել Թիֆլիսում։ Ստ. Շահումյանի հետ միասին Սպանդարյանը ակտիվ աշխատանք տարավ հայ բոլշևիկյան մամուլի տարածման գործում։ 1906 թ. ապրիլի 1-ին Ստ. Շահումյանի նախաձեռնությամբ սկսեց լույս տեսնել հայերեն բոլշևիկյան «Կայծ» թերթը։ Շուտով Ստ. Շահումյանը մեկնեց Ստոկհոլմ ՌՍԴԲՊ IV համագումարին մասնակցելու, և «Կայծ»-ի հրատարակման ամբողջ ծանրությունն ընկավ Ս. Սպանդարյանի ու Ս. Կասյանի վրա։ Ստ. Շահումյանը, Ս. Սպանդարյանը և Ս. Կասյանը խոշոր աշխատանք տարան «Կայծ», ապա նաև «Նոր խոսք» բոլշևիկյան թերթերը հրատարակելու և լայն մասսաների մեջ տարածելու ուղղությամբ։ Նրա ան-

5 Շ. Էլիավա, Ուսումնասիրենք մարտիկի կյանքն ու աշխատանքը, տե՛ս «Սուրեն Սպանդարյան» (հոգվածների ժողովածու), Նրևան, 1927, էջ 17։

6 Նույն տեղում։

7 Տե՛ս Վրացական ՍՍԻ Պետ. պատմական արխիվ, ֆ. 2, պ. 81։

8 Л. Богучкая, Московские большевики в стачечных боях 1905 года, М., 1948, էջ 92։

9 Ա. Մռավյան, Սուրեն Սպանդարյանի հիշատակը, տե՛ս «Սուրեն Սպանդարյան» (հոգվածների ժողովածու), էջ 5։

սահման նվիրվածության, տեսական խոր պատրաստության, պրոպագանդիստական տաղանդի մասին Ա. Մռավյանը գրել է. «Հեղափոխական մարքսիզմի և լենինիզմի գիտական հիմունքներն ու ռազմական ոգին նա հիանալիորեն յուրացրած էր և ուներ խոհուն պրոպագանդիստի, աշխույժ ժուռնալիստի և մասսայական կրակոտ ագիտատորի բոլոր հատկությունները»¹⁰:

1906 թ. օգոստոսին Ս. Սպանդարյանը ՌՍԴԲՊ Թիֆլիսի կոմիտեի հանձնարարությամբ խոշոր աշխատանք է տանում Ալավերդու պղնձահանքերի բանվորների շրջանում: 1905 թ. մարտին, նոյեմբեր-դեկտեմբերին և ապա 1906 թ. օգոստոսին Ալավերդու պղնձարդյունաբերական շրջանի բանվորների ելույթները խթանեցին Բորչալուի և Լոռու շրջանի աշխատավորների քաղաքական պայքարը: 1906 թ. օգոստոսյան գործադուլն ընթացավ Ս. Սպանդարյանի ղեկավարությամբ:

1906 թ. վերջերին բոլշևիկները, մենշևիկներից սահմանազատվելու համար, «Բոլշևիկների դրական բյուրո» անվան տակ ստեղծեցին իրենց անդրկովկասյան ինքնուրույն մարզային կենտրոնը, որի մեջ մտնում էին Ստ. Շահումյանը, Ֆ. Մախարաձեն, Ս. Սպանդարյանը, Ա. Զափարիձեն, Մ. Ցխակայան և ուրիշներ: Ս. Սպանդարյանը հատուկ հանձնարարություն ստացավ՝ ղեկավարել և օգնել Նիդավեստպոլի սոցիալ-դեմոկրատական կազմակերպությանը: Այստեղ նա լայն աշխատանք ծավալեց կազմակերպությունը բոլշևիկների շուրջը համախմբելու համար, ջախջախիչ հարված հասցրեց մենշևիկներին ու դաշնականներին, կազմակերպեց անլեգալ տպարան: Նրկաթուղու կայարանում ստեղծվեց ուժեղ կազմակերպություն: Սպանդարյանի ղեկավարությամբ տեղի ունեցած պարտիական կոնֆերանսը բոլշևիկյան որոշումներ ընդունեց: «Անմոռանալի օրեր էին այդ օրերը, — գրում է Ա. Մռավյանը, — և դաստիարակող նշանակություն ունեցան Գանձակի ընկերների համար: Ընկ. Տիմոֆեյի ղեկավարությամբ մեր աշխատանքը երկաթուղու բանվորության մեջ ուժեղացավ. դումարեցինք կոնֆերենցիա, որը լսելով Տիմոֆեյի գեկուցումը ընթացիկ մոմենտի և կուսակցական տակտիկայի մասին, միաձայն ընդունեց բոլշևիկյան բանաձև: Սրամիտ ու վարպետորեն կազմած այդ գեկուցումը մեծ տպավորություն թողեց: Կուսակցական աշխատանքը բավականին կենդանացավ ու թարմացավ»¹¹:

Կովկասյան բոլշևիկյան կենտրոնը, կարևոր նշանակություն տալով Բաքվում տարվող աշխատանքին, 1907 թ. հունվարին Սպանդարյանին ուղարկեց այնտեղ անլեգալ աշխատանքի: Նա Ս. Օրջոնիկիձևի, Ի. Ֆիոլետովի, Ա. Զափարիձևի, Մ. Ազիզբեկովի, Մամեդյարովի, Կազի Մուհամեդի, Խանյարի, Վալեկի, Վլ. Գասպարովի («Սլավա»), Մելիք Մելիքյանի և ուրիշների հետ գլխավորեց Բաքվի բանվորական շարժումը: «Նրա հմուտ ու եռանդուն աշխատանքով 1907 թ. մի քանի ամիսների ընթացքում Բաքվի Սև քաղաքի ռաջոնը մաքրվեց մենշևիկներից և ռաջկոմն ամբողջապես անցավ բոլշևիկների ձեռքը: Լեռաջ քաշելով և պատրաստելով մի ամբողջ խումբ երիտասարդ բանվորների, ընկ. Տիմոֆեյը Սև քաղաքը դարձրեց բոլշևիկյան բերդ...»¹²:

¹⁰ Ա. Մռավյան, նշվ. հոդվածը:

¹¹ «Խորհրդային Հայաստան», 1927, № 99:

¹² Ա. Մռավյան, նշվ. հոդվածը:

Բաքվում 1907 թ. փետրվարին Սուրեն Սպանդարյանը, Ստ. Շահումյանի և Ս. Կասյանի հետ միասին սկսեց լույս ընծայել «Թեր» թերթը։ Սպանդարյանը իրեն հատուկ կրթություն և մերկացնում էր մենչևիկներին, դաշնակներին և պաշտպանում բոլշևիկների տակտիկական դիմոր 11 Պետական դումայի բնորոշությունների հարցում։ Քննադատելով համաձայնողական պարտիաների քաղաքականությունը, նա գրել է. «Այժմ սպառնում է ոչ թե սեհարյուրակային, այլ կաղետական վտանգը, այժմ վտանգը «համաձայնվողների» կիսակատար քաղաքականության և մեռնող իշխանության հետ շարժիական համաձայնություններ կայացնելու կողմնակիցներից է սպառնում»¹³։ Սպանդարյանը Բաքվում շարունակում էր իր ուսուցիչի ուսման ակտիվ աշխատանքը, երբ 1907 թ. մարտի 5-ին ոստիկանությունը ձերբակալեց և բանտ նետեց նրան։ Բանտի ծանր պայմաններում 20 օր մնալուց հետո Ս. Սպանդարյանին, Ս. Օրջոնիկիձեին և մի քանի ուրիշ ընկերների հաջողվում է ազատվել բանտից։

1907 թ. հունիսի երկրորդ հետո մոլեզուն ուսուցիչի ծանր ժամանակաշրջանում Սպանդարյանը մնաց որպես լենինյան դվարդիայի անկուն գինիլոր և նոր եռանդով շարունակեց ուսուցիչի պայքարը։ Սպանդարյանը ակտիվորեն մասնակցեց «Բակինսկի պրոլետարի» բոլշևիկյան անդալ լիերթի հրատարակման գործին։ Թերթը խմբագրում և նրա աշխատանքներին ուղղություն էին տալիս Ստ. Շահումյանը, Ս. Սպանդարյանը, Ա. Ջափարիձեն։ Սպանդարյանի «Քաղաքական ակնարկներ» հոդվածաշարը, որ հրատարակվեց այդ թերթում, միջազգային իրադրության և Ռուսաստանի ներքին քաղաքական կյանքի մարքսիստական խոր վերլուծության փայլուն օրինակ է¹⁴։ 1907 թ. հոկտեմբերի 25-ին Բաքվի բոլշևիկների կոնֆերանսում ընտրվեց կոմիտեի նոր կազմ, որի մեջ Ստ. Շահումյանի, Ա. Ջափարիձեի, Ի. Ֆիդլետովի և մյուսների հետ միասին մտավ նաև Ս. Սպանդարյանը։ «Ս. Օլգին», «Տ.» և այլ ստորագրություններով նա թերթի էջերում հանդես էր գալիս կարևոր տեսական ու բանվոր դասակարգի ամենօրյա պայքարը լուսաբանող հոդվածներով, պաշտպանում մարքսիստական տեսության անադարտությունը մենչևիկի-լիկվիդատորների ու ֆորմիստական, հակապրոլետարական հարձակումներին։

«Բակինսկի ռաբոչի» թերթը ցարական կառավարության կողմից արգելվելուց հետո բոլշևիկները 1909 թ. փետրվարին սկսեցին լույս ընծայել «Վոլոնա» ամսագիրը, որի ակտիվ աշխատակիցն էր Սպանդարյանը։ Ամսագրի հենց առաջին համարում տպագրված «Ամեն ինչ իրար է գալիս» հոդվածում նա մերկացնում է նավթարդյունաբերողների բռնություններն ու դաժան հալածանքները բանվորների դեմ։ 1909 թ. ապրիլին Բաքվում ոստիկանությունը ուսուցիչին գործիչների մասսայական ձերբակալություններ կատարեց։ Ոստիկանության ճանկն ընկավ և բանտ նետվեց նաև Սպանդարյանը։ Բանտից ուրս գալուց հետո նա նորից ուսուցիչին պայքարի առաջին շարքերումն էր։

1909 թ. ամռանը բանվորական շարժումը Բաքվում սկսեց աշխուժանալ, բոլշևիկների գործունեությունը լայն թափ ստացավ։ Բաքվի պարտիական կոնֆերանսը ընտրեց կոմիտեի նոր կազմ։ Կոմիտեի և նրա Բյուրոյի մեջ Ստ. Շահումյանի, Ա. Ջափարիձեի և մյուսների հետ միասին մտավ նաև Սպանդարյանը։

¹³ Սուրեն Սպանդարյան, Երկեր, հատ. 1, Երևան, 1959, էջ 137—138։

¹⁴ Տե՛ս «Բակինսկի պրոլետարի», 1907, № 1, 2, 1908, № 3, 4։

դարյանը: Բաքվի կոմիտեի հանձնարարությամբ նա հսկայական աշխատանք կատարեց դադարների տպարանի կարգավորման և «Բակինսկի պրոլետարի» թերթի հրատարակությունը վերսկսելու ուղղությամբ: 1909 թ. օգոստոսին նա նորից ոստիկանության ճանկն ընկավ և երեք ամիս բանտում տառապելուց հետո, վարչական կարգով Բաքվից հեռացվեց, թույլտվություն ստանալով տպրելու Դերբենտում: 1910 թ. հունվարին Սպանդարյանը հեռանում է Դերբենտից և ծախյալ բնակություն հաստատում Թիֆլիսում, որտեղ ծանր կարիքի ու զրկանքների մեջ ապրում էր նրա ընտանիքը՝ կինը և չորս երեխաները: Սպանդարյանը շուտով ընտրվում է ՌՍԴԲՊ Թիֆլիսի կոմիտեի անդամ ու Ա. Զափարիձեի, Ե. Ստասովայի, Պ. Արվելյաձեի, Հ. Հակոբյանի, Ս. Կասյանի և ուրիշների հետ շարունակում իր եռանդուն ունյուցիոն աշխատանքը: 1910 թ. օգոստոսից իր ձեռքը վերցնելով «Կուրյեր-կոպեյկա» օրաթերթի փաստական ղեկավարությունը, Սպանդարյանը այն դարձրեց ունյուցիոն պայքարի կարևոր գեներ, մերկացնելով ցարական ռեժիմի դաժան քաղաքականությունը: Նույն թվականի դեկտեմբերին, Ռ. Քաթանյանի, Ս. Կասյանի և ուրիշների աջակցությամբ, նա սկսեց հրատարակել «Լիստոկ-կոպեյկա» օրաթերթը, որը տիրոջ կարգերը մերկացնող իր սուր բնագրատության համար 1911 թ. ապրիլի 10-ին արգելվեց ցարական կառավարության կողմից: «Լիստոկ-կոպեյկա»-ին փոխարինելու հկավ «Տրուդովայա կոպեյկա»-ն, որը նույնպես երկար կյանք չունեցավ:

Համապարտիական կոնֆերանս հրավիրելու համար 1911 թ. Վ. Ի. Լենինի հանձնարարությամբ արտասահմանից Ռուսաստան, ապա նաև Անդրկովկաս հկավ Ս. Օրջոնիկիձեն, որը Թիֆլիսում անմիջապես կապ հաստատեց Սպանդարյանի հետ: Թիֆլիսի բոլշևիկների ակտիվի խորհրդակցությունը, լսելով Ս. Օրջոնիկիձեի զեկուցումը, ստեղծեց ՌՍԴԲՊ Կովկասյան մարզային Բյուրո, որի կազմի մեջ մտան Ս. Օրջոնիկիձեն, Ստ. Շահումյանը, Ս. Սպանդարյանը, Ե. Ստասովան և ուրիշներ: Անդրկովկասի բոլշևիկները, կատարելով Վ. Ի. Լենինի ցուցումները, եռանդուն աշխատանք տարան համապարտիական կոնֆերանս հրավիրելու ղդտին: Ստ. Շահումյանի և Ս. Սպանդարյանի ակտիվ աջակցությամբ Օրջոնիկիձեն 1911 թ. սեպտեմբերին Բաքվում հրավիրեց Ռուսաստանի խոշոր կազմակերպությունների խորհրդակցություն և ստեղծվեց Ռուսաստանյան կազմակերպական հանձնաժողով, որը լայն աշխատանք ծավալեց կոնֆերանսի նախապատրաստման ուղղությամբ: Բաքվի կազմակերպությունը համապարտիական կոնֆերանսի պատգամավոր ընտրեց Ս. Սպանդարյանին, Թիֆլիսին՝ Ս. Օրջոնիկիձեին: Ս. Սպանդարյանը, կոնֆերանսի պատգամավոր ընտրվելու կապակցությամբ, այցելեց Անդրկովկասի մի շարք քաղաքներ, եղավ Մոսկվայում, Պետերբուրգում և Մերձբալթյան երկրներում: Օրջոնիկիձեն Սպանդարյանի լատվիա մեկնելը անհրաժեշտ էր գտնում, քանի որ այնտեղ ուժեղ էր օպորտունիստների ազդեցությունը: Ս. Սպանդարյանի ջանքերի շնորհիվ Ռիդայի պարտիական կազմակերպությունը ապահովեց բոլշևիկների հաղթանակը¹⁵: Պետրոգրադում նույնպես, կապվելով հին բոլշևիկների Գ. Պրոկտանի հետ, Սպանդարյանը խոշոր աշխատանք կատարեց, օգնեց բոլշևիկյան «Զվեզդա» թերթի աշխատանքներին, «Յունիուս» ստորագրությամբ

15 Տե՛ս «Красный архив», 1939, № 6 (97), էջ 112:

մի շարք հողավածներ գրեց, մերկացնելով մենշևիկ-լիկվիդատորների դավաճանական քաղաքականությունը:

Ավարտելով իր աշխատանքները Ռուսաստանում, Սպանդարյանը մեկնեց արտասահման՝ Պրազայում կայանալիք համապարտական կոնֆերանսի մասնակցելու համար: Կոնֆերանսում նա ծանոթացավ Վ. Ի. Լենինի հետ: Կոնֆերանսը Կենտկոմի անդամ ընտրեց նաև Ս. Սպանդարյանին: Նա մտավ Ռուսական Բյուրոյի կազմի մեջ: Պրազայի կոնֆերանսը, որը պարտիան մաքրեց լիկվիդատորներից ու մենշևիկներից, նոր թափ հաղորդեց երկրում բարձրացող ռեվոլյուցիոն շարժումներին: «Վերջապես հաջողվեց,—գրել է Վ. Ի. Լենինը,—հակառակ լիկվիդատորական սրիկաների—վերածնել պարտիան և նրա Կենտրոնական Կոմիտեն»¹⁶: Պրազայի կոնֆերանսից անմիջապես հետո Լայպցիգում տեղի ունեցավ ՌՄԴԲՊ նորընտիր Կենտկոմի և Պետական դեմոկրատիկ-դեմոկրատական ֆրակցիայի անդամների համատեղ խորհրդակցությունը, որտեղ Պրազայի կոնֆերանսի արդյունքների մասին Վ. Ի. Լենինի տված զեկուցումից բացի լսվեց նաև Ս. Սպանդարյանի հաղորդումը Ռուսաստանյան կազմակերպական հանձնաժողովի կատարած աշխատանքի մասին: Դրանից հետո պարտիական կարևոր գործով Սպանդարյանը Վ. Ի. Լենինի հետ եղավ Բեռլինում, ապա նաև Փարիզում:

Պրազայի կոնֆերանսից հետո վերադառնալով Ռուսաստան, Սպանդարյանը նոր եռանդով անցավ աշխատանքի: Նա այցելեց Ռիգա, Պետերբուրգ, Մոսկվա, Թիֆլիս, Բաքու և այլ վայրեր, զեկուցեց կոնֆերանսի արդյունքների և տեղական կազմակերպությունների խնդիրների մասին: Ս. Կասյանը իր հուշերում պատմում է, որ երբ Սպանդարյանը վերադարձավ Պրազայի կոնֆերանսից, «վերջ չկար նրա՝ Լենինի վերաբերմամբ տածած հմայքին, սերին և հավատարմությանը: Նա չէր կարողանում խոսել առանց գթաշարժվելու Լենինի մասին»¹⁷:

1912 թ. մարտի 18-ին, Բալախանիի պարտիական կազմակերպության ժողովում Պրազայի կոնֆերանսի արդյունքների մասին զեկուցելու ժամանակ, պրովոկատորների մատնությունամբ, ոստիկանությունը ձերբակալեց Սպանդարյանին և ուրիշներին: Բանտում Սպանդարյանը հանդիպեց կովկասյան բոլշևիկների առաջնորդ Ստեփան Շահումյանին և մանրամասն տեղեկություն տվեց Պրազայի կոնֆերանսի որոշումների, Վ. Ի. Լենինի ցուցումների մասին:

Վ. Ի. Լենինը, Սպանդարյանի հետ անձնական ծանոթություն հաստատելուց հետո, շատ մեծ հույսեր էր կապում Ռուսաստանում նրա կատարելիք աշխատանքի հետ: Սպանդարյանի ձերբակալության լուրը ստանալով, Լենինը մտահոգության մեջ է ընկնում: Ն. Կ. Կրուպսկայայի հիշողություններից երևում է, թե Իլյիշը ինչպիսի մեծ հոգատարություն էր ցուցաբերում Սուրեն Սպանդարյանի նկատմամբ¹⁸:

1912 թ. մայիսին Սպանդարյանը նորից ձերբակալվեց: Մեկ տարի հետո տեղի ունեցավ Սպանդարյանի, Ստասովայի, Շվեյցերի և ուրիշների դատավարությունը: Սպանդարյանը դատարանում իրեն պահեց որպես ռեվոլյուցիոնիստ, ժողովրդի ազատության պայքարին անհունորեն նվիրված անվեհեր աս-

¹⁶ Վ. Ի. Լենին, Երկեր, հատ. 35, էջ 1:

¹⁷ Ս. Կասյան, Բարեկամ քնկերոջ մասին, տե՛ս «Սուրեն Սպանդարյան» (հողավածներ յուրավածու):

¹⁸ Տե՛ս Н. К. Крупская, Воспоминания о Ленине, М., 1933, էջ 178:

պես, որը պատրաստ էր Հենինի գործի համար իր կյանքը զոհել: Սպանդարյանը և իր ընկերները դատապարտվեցին ցմահ արսորի և սեպտեմբերի 21-ին շղթավաճապ ուղարկվեցին Ենիսեյսկի նահանգը: Նա ճանապարհին ծանր տանջանքների էր ենթարկվում, սակայն իր կայտառությունն ու հողու արիությունը չէր կորցնում: «Հիմա այստեղ սարսափելի ցուրտ է,— գրում է Սպանդարյանը իր կնոջը,— երկյուղով մտածում եմ ապագայի մասին,— չունենալով տաք հագուստ, ոտնաման և այլն: Հոգ տար փողի մասին և ուղարկիր ինձ: Ես վաղուց է, որ փող չունեմ: Ծանապարհին շատ ծախս եղավ: Այստեղ ամեն տեղ սակ միջատներն ու անիծներն անպատիժ ուտում են ինձ. ամբողջ մարմինս չանգոտված է և արյունովիկ: Տրամադրությունս կայտառ է, ուրախ և լավ: Կեցցե կյանքը: Մենք դեռ ոտքի կելենք.— կարիք չկա հուսահատվելու»¹⁹:

1913 թ. նոյեմբերի 8-ին Ենիսեյսկի նահանգապետի կարգադրությամբ Սպանդարյանը բնակեցվեց Ինոկենտևսկայա գյուղում: Շուտով նա պարտիսկան աշխատանքի մեջ ներգրավեց շատ արսորականների, նրանց համար դրողարան ստեղծեց, կազմակերպեց Մայիսի 1-ի տոնակատարությունը:

Արսորավայրում Սպանդարյանը ստեղծեց ինֆորմացիոն բյուրո, որը ակտիվ աշխատանք էր տանում արսորականների մեջ, նրանց հաղորդակից դարձնում ընթացիկ քաղաքական կյանքին և Ռուսաստանի աշխատավորների ռեոլյուցիոն պայքարին: Սպանդարյանը նամակագրական կապեր հաստատեց Վ. Ի. Հենինի և ուրիշ շատ ռեոլյուցիոն գործիչների հետ: 1914 թ. մարտի 15-ին Վ. Ի. Հենինին ուղղած նամակում Սպանդարյանը գրում էր. «Ես այնուամենայնիվ հաստատ հույս ունեմ, որ հեռու չի «օրը», և որ մենք դեռ պիտանի կլինենք գործի համար»²⁰:

Վ. Ի. Հենինի շարունակ հետաքրքրվում էր Սպանդարյանի կյանքով, հոգում նրան նյութական օգնություն հասցնելու մասին: Դեռևս 1913 թ. հունիսին, երբ Սպանդարյանը Մետեխի բանտում էր, Ն. Կ. Կրուպսկայան Հենինի հանձնարարությամբ գրում է Բեռլին՝ Սլավա Դասպարովին և խնդրում նյութական օգնություն կազմակերպել Սպանդարյանին: Վ. Ի. Հենինի աջակցությամբ Սպանդարյանը նյութական օժանդակություն է ստանում բանտարկյալներին և արսորականներին օգնող Կրակովյան միությունից, ինչպես նաև Ռուսաստանի քաղաքական բանտարկյալներին օգնող Բեռլինի ընկերությունից: Բացի այդ, Սպանդարյանը ընկերների աջակցությամբ ստանում է զրականություն, «Պրավդա» թերթը, «Պրոսվեշչենիե» ամսագիրը, կովկասյան թերթեր և «Նոր խոսք» ամսագիրը:

Ցարական կառավարությունը, վախենալով երկրում բարձրացող ռեոլյուցիոն շարժումներից, ավելի խստացրեց հսկողությունը արսորականների վրա: 1914 թ. մայիսին Սպանդարյանին փոխադրեցին ավելի հյուսիս՝ Տուրուխանյան երկրամասի Մոնաստիրսկոյե գյուղը: Սակայն այստեղ ես Սպանդարյանը չապվեց շրջակայքի արսորականների հետ, հավաքագրեց նրանց և ակտիվ քաղաքական աշխատանք ծավալեց: Նա սերտ կապ էր հաստատել Յա. Սվերդլովի, Ա. Մասլեննիկովի, Ա. Ենուկիձեի և շատ ուրիշների հետ: Որոշ ժամանակից հետո Մոնաստիրսկոյե տեղափոխվեց նաև Յա. Սվերդլովը: Շնորհիվ Սպանդարյանի և Սվերդլովի կատարած եռանդուն աշխատանքի, Մոնաստիրս-

¹⁹ Ս. Սպանդարյան, Հոգվածներ, նամակներ, փաստաթղթեր, էջ 331:

²⁰ ՄԼԽ արխիվ, ֆ. 17, ցուց. 14, դ. 47743:

կոյեն դարձավ Սիբիրի արսորականների քաղաքական աշխատանքի կարևոր կենտրոն:

Տուրուխանյան երկրամաս հասան նաև Վ. Բ. Լենինի թեզիսները պատերազմի նկատմամբ բուլշևիկների ունենալիք վերաբերմունքի մասին: Սպանդարյանը ջերմորեն պաշտպանեց Լենինյան թեզիսները և եռանդուն պայքար մղեց սոցիալ-շովինիստների դեմ: Նշելով Սպանդարյանի հետևողական Լենինյան դիրքը, Ստ. Շահումյանը գրել է. «Ներկա պատերազմի վերաբերմամբ նա պահպանել է ամենայն հարազատություն՝ իր միջազգային տեսակետը և առանձնապես հրճվանք էր արտահայտում իր նամակաների մեջ իմանալով, որ մնացած ընկերներն էլ հավատարիմ են իրենց դավանանքին»²¹:

Վ. Բ. Լենինի նամակաները ոգեշնչում ու աշխատանքի անսահման եռանդ էին ներշնչում Սպանդարյանին: Իլյիչին ուղղված իր նամականերում Սպանդարյանը ջերմ ողջույններ էր հղում առաջնորդին և խնդրում նոր ցուցումներ:

Սպանդարյանի առողջությունը դնալով վատանում էր: Բժշկական օգնությունից զուրկ ու անօգնական, Սպանդարյանը օրեցօր հյուծվում էր: Այդ վիճակում էլ նա ստիպված էր լինում օրվա ապրուստը հայթայթելու համար իր ուժերից վեր ծանր ֆիզիկական աշխատանք կատարել, դաժան սառնամանիքներին ծառ կտրել անտառում:

Երկար տանջանքից հետո, հուլիսի սկզբին Սպանդարյանը ստացավ սնիսեյսկ տեղափոխվելու թույլտվություն: Սակայն այստեղ էլ նրա վիճակը չբարվոքվեց: Իր ծանր ու անհուսալի հիվանդության պատճառով Սպանդարյանը 1916 թ. օգոստոսի 8-ին ազատվեց աքսորից՝ 5 տարի ոստիկանության հսկողության տակ մնալու և խոշոր քաղաքներում ապրելու իրավունք չունենալու պայմանով: Օգոստոսի 25-ին ստանալով այդ որոշումը, Վերա Շվեյցերի օգնությամբ, Սպանդարյանը տեղափոխվեց Կրասնոյարսկ և տեղավորվեց բժշկական ընկերության հիվանդանոցում: Անասելի տառապանքներից հետո, 1916 թ. սեպտեմբերի 24-ին, 34 տարեկան հասակում, իր տաղանդի ծաղկման շրջանում դադարեց բաբախելուց մեծ ռևոլյուցիոնների և ազնիվ քաղաքացու կրակոտ սիրտը: Նրա աճյունը հանդշում է Կրասնոյարսկում, աքսորականների գերեզմանոցում:

Սպանդարյանի մահը ցնցող տպավորություն թողեց բոլոր նրանց վրա, ովքեր դիտեին նրան, դիտեին որպես պրոլետարիատի վեհ գործին անսահմանորեն նվիրված մարտիկի: Բուլշևիկյան մամուլը խորին վշտով էր հայտնում ականավոր ռևոլյուցիոնների մահը: Վ. Բ. Լենինը, որը մեծ սիրով ու հարգանքով էր լցված դեպի Սպանդարյանը, պարտիայի կենտրոնական օրդան «Սոցիալ-դեմոկրատ» թերթում զետեղված մահախոսականում բարձր է գնահատում նրա դերը որպես ականավոր գործչի, որը պարտիայի մղած հերոսական պայքարի բոլոր դժվարին էտապներում հավատարիմ մնաց «ռևոլյուցիոն սոցիալ-դեմոկրատիայի լավագույն տրագիկաններին, ոչ մի բռնա շտատանվելով ինտերնացիոնալիզմի դիրքերից»²²: Նույնպիսի ջերմությամբ է գրված Ստ. Շահումյանի «Մեր Սուրենը» մահախոսականը:

Ս. Սպանդարյանի կարճատև, բայց իմաստալից ու բուռն կյանքը խոր հետք թողեց հայ ժողովրդի հասարակական-քաղաքական մտքի պատմու-

21 Ստ. Շահումյան, Բնտիր երկեր, Երևան, 1948, էջ 425:

22 «Социал-демократ», 1916, № 56.

թյան մեջ: Սպանդարյանը բոլշևիկյան պարտիայի կազմակերպման առաջին օրերից սկսած, իր ամբողջ էությունը նվիրվեց մարքս-լենինյան վեհ գաղափարների հաղթանակի գործին: Սակայն նրան բախտ չվիճակվեց տեսնել Մեծ Հոկտեմբերը, ինչինի գաղափարների հաղթանակը, նոր հասարակարգի այն փառավոր շենքը, որի համար նա իր կյանքը զոհարեց: Գարական դավաճան կարգերի դժնդակ պայմաններում:

СУРЕН СПАНДАРЯН

Ц. П. АГАЯН

Член-корр. АН Арм. ССР

(Р е з ю м е)

Профессиональный революционер, выдающийся большевик Сурен Спандарян родился в Тифлисе 15 декабря 1882 г. В начале 1900-х годов он активно участвует в работах нелегальных марксистских организаций. Начиная с этого времени и до конца своей жизни он остается верным бойцом в борьбе за победу великих идей Ленина. В 1902 г. Спандарян, будучи студентом сначала филологического, а затем юридического факультетов Московского государственного университета, выступает как теоретически подготовленный и стойкий марксист-ленинец. В период декабрьского вооруженного восстания 1905 г. он с оружием в руках борется против царизма на Красной Пресне.

Спандарян принимал активное участие в революционных движениях, развернувшихся в Закавказье, руководил забастовкой рабочих Алавердских медных рудников в августе 1906 г., сыграл большую роль в создании и распространении большевистской печати в Закавказье. Как в тяжелые годы реакции, так и в период революционного подъема Спандарян вел последовательную борьбу за победу ленинской линии. Совместно с Г. К. Орджоникидзе он провел большую работу по организации Пражской конференции партии, на которой выступил с докладом о состоянии партийной работы в Закавказье. Конференция избрала Спандаряна в состав ЦК РСДРП.

В 1913 г. царский суд приговорил Спандаряна к пожизненной каторге и вместе с другими большевиками сослал в далекую Сибирь. Однако и в тяжелых условиях ссылки Спандарян мужественно продолжал свою революционную деятельность. 24 сентября 1916 г. Спандарян скончался в Красноярской больнице.